


楞伽阿跋多羅寶經義疏（五）

《楞伽阿跋多羅寶經》卷第二義疏下

天竺·求那跋陀羅三藏 譯經

明·滿益大師 疏義


○第十三常聲如幻門二




△初問

爾時大慧菩薩摩訶薩復白佛言。世尊。常聲者。何事說（魏云。世尊說常法。依何等法。作如是說。○唐云。世尊所說常聲。依何處說。）

疏




○二答二



△初正明依惑亂說


佛告大慧。為惑亂。(魏云。依迷惑法。我說為常。○唐云。依妄法說)以彼惑亂。諸聖亦現。而非顛倒。(魏云。聖人亦見世間迷惑法。非顛倒心。○唐云。以諸妄法。聖人示現。然不顛倒)大慧。如春時燄。(二作陽燄)火輪。垂髮。乾闥婆城。幻。夢。鏡像。世間顛倒。(唐云。世無智者。生顛倒解)非明智也。然非不現。(魏云。有智慧者。不生分別。非不見彼迷惑之事)大慧。彼惑亂者。有種種現。非惑亂作無常。所以者何。謂離性非性故。(唐云。妄法現時。無量差別。然非無常。何以故。離有無故)大慧。云何離性非性惑亂。謂一切愚夫種種境界故。(唐云。云何離有無。一切愚夫種種解故)如彼恒河。餓鬼見不見故。無惑亂性。(唐云。如恒河水。有見不見。餓鬼不見。不可言有)於餘現故。非無性。(唐云。餘所見故。不可言無)如是惑亂。諸聖離顛倒(唐云。聖於妄法。離顛倒見。)


疏



不顛倒。是惑亂常。謂相相不壞故。(唐云。妄法是常。相不異故)大慧。非惑亂種種相。(唐云。非諸妄法有差別相)妄想相壞。是惑亂常。(唐云。以分別故而有別異。是故妄法其體是常)大慧。云何惑亂真實。若復因緣。諸聖於此惑亂不起顛倒覺。非不顛倒覺。(唐云。云何而得妄法真實。謂諸聖者。於妄法中不起顛倒。非顛倒覺)大慧。除諸聖。於此惑亂有少分想。非聖智事相。大慧。凡有者。愚夫妄說。非聖言說。

疏





——「初正明依惑亂說」竟——

○二申明成凡聖性二

初正示聖凡分別


二結成性即真如

△初正示聖凡分別

彼惑亂者。倒不倒妄想。起二種種性。(唐云。若分別妄法是倒非倒。彼則成就二種種性)謂聖種性。及愚夫種性。聖種性者。三種分別。謂聲聞乘。緣覺乘。佛乘。云何愚夫妄想。起聲聞乘種性。謂自共相計著。起聲聞乘種性。是名妄想起聲聞乘種性。(唐云。云何愚夫分別妄法。生聲聞乘種性。所謂計著自相共相)大慧。即彼惑亂妄想。起緣覺乘種性。謂即彼惑亂自共相不親計著。起緣覺乘種性。(唐云。何謂復有愚夫分別妄法。成緣覺乘種性。謂即執著自共相時。離於憤鬧)云何智者即彼惑亂。起佛乘種性。謂覺自心現量。外性非性。不妄想相。起佛乘種性。是名即彼惑亂。起佛乘種性。(唐云。何於智人分別妄法。而得成就佛乘種性。所謂了達一切。唯是自心分別所見。無有外法)又種種事性。

凡夫惑想。起愚夫種性（唐云。有諸愚夫。分別妄法種種事物。決定如是。決定不異。此則成就生死乘性。）

疏



覺自心現量者

- 知一切法皆唯心現
- 有即非有
- 是正分別
- 即妄想而非妄想
- 故名為智也

種種事性者

- 法本無性
- 而迷惑分別
- 計有實性
- 著我著法
- 不出生死
- 恒於六道往來不息
- 故唐譯亦稱乘也

△二結成性即真如

彼非有事。非無事。是名種性義。(唐云。彼妄法中種種事物。非即是物。亦非非物)大慧。即彼惑亂不妄想。諸聖心意意識過習氣自性法轉變性。是名為如。(唐云。即彼妄法。諸聖智者心意意識諸惡習氣自性法轉依故。即說此妄名為真如)是故說如離心。(唐云。是故真如離於心識。)我說此句。顯示離想。即說離一切想(唐云。我今明了顯示此句。離分別者。悉離一切諸分別故。)


疏

惑亂妄法。全妄即真

- 隨緣不變。離一切相。故非事物
- 不變隨緣。即一切法。故非無事物

譬如

- 醉人所見轉屋即是不轉之屋
- 捏目所見二月即是但一月真
- 瞽目所見空華即是晴明空體



——「初正明惑亂即常」竟——

○二委明惑亂如幻四


- 初正明如幻
- 二會釋無生
- 三兼明名句形身
- 四兼明四種記論

△初正明如幻(有三番問答)

大慧白佛言。世尊。惑亂為有為無。(唐云。所說妄法。為有為無)佛告大慧。如幻。無計著相。(唐云。無執著相故)若惑亂有計著相者。計著性不可滅。緣起應如外道說因緣生法(唐云。若執著相體是有者。應不可轉。則諸緣起。應如外道說作者生。)

疏


此初番問答。明妄法非有無也



大慧白佛言。世尊。若惑亂如幻者。復當與餘惑作因。(唐云。若諸妄法同於幻者。此則當與餘妄作因)佛告大慧。非幻惑因。不起過故。(唐云。非諸幻事為妄惑因。以幻不生諸過惡故)大慧。幻不起過。無有妄想。(唐云。以諸幻事無分別故)大慧。幻者。從他明處(唐作明咒)生。非自妄想過習氣處生。是故不起過。大慧。此(唐云。此妄惑法)是愚夫心惑計著。非聖賢也。爾時世尊。欲重宣此義而說偈


言。聖不見惑亂。(唐云妄法)中間亦無實。中間若真實。惑亂即真實(唐云。以妄即真故。中間亦真實)捨離一切惑。若有相生者。是亦為惑亂。不淨猶如腎。(唐云。若離於妄法。而有相生者。此還即是妄。如腎未清淨)復次大慧。非幻無有相似。見一切法如幻(唐云。見諸法非幻無有相似。故說一切法如幻。)


疏



大慧白佛言。世尊。為種種幻相計著。言一切法如幻。(唐云。為依執著種種幻相。言一切法猶如幻耶) 為異相計著。(唐云。為異依此執著。顛倒相耶) 若種種幻相計著。言一切性如幻者。(唐云。若依執著種種幻相。言一切法猶如幻者) 世尊。有性不如幻者。(唐云。非一切法悉皆如幻) 所以者何。謂色種種相非因。(唐云。何以故。見種種色相不無因故) 世尊。無有因色種種相現如幻。(唐云。都無有因。令種種色相顯現如幻) 世尊。是故無種種幻相計著相似性如幻(唐云。是故世尊。不可說言依於執著種種幻相。言一切法猶如幻者。)


疏






佛告大慧。非種種幻相計著相似。一切法如幻。(唐云。不依執著種種幻相。言一切法如幻)大慧。然不實一切法速滅如電。(唐云。以一切法不實速滅如電)是則如幻。大慧。譬如電光。剎那頃現。現已即滅。非愚夫現。(魏云。凡夫不見。○唐云。世間凡愚悉皆現見)如是一切性。自妄想自共相(唐云。一切諸法。依自分別。自共相現。亦復如是)觀察無性。非現色相計著。(唐云。以不能觀察無所有故。而妄計著種種色相)爾時世尊。欲重宣此義而說偈言。非幻無有譬。說法性如幻。不實速如電。是故說如幻(唐云。非幻無相似。亦非有諸法。不實速如電。如幻應當知。)

疏






——「初正明如幻」竟——

○二會釋無生二
初難問
二答釋

△初難問

大慧復白佛言。如世尊所說。一切性無生及如幻。(唐云。如佛先說。一切諸法皆悉無生。又言如幻)將無世尊前後所說自相違耶。說無生性如幻。

疏




△二答釋

佛告大慧。非我說無生性如幻前後相違過。(唐云。無有相違)所以者何。謂生無生。覺自心現量。(唐云。何以故。我了於生即是無生。唯是自心之所見故)有非有外性非性。無生現。(唐云。若有若無一

切外法。見其無性。本不生故。）大慧。非我前後說相違過。然壞外道因生故。我說一切性無生。（唐云。為離外道因生義故。我說諸法皆悉不生）大慧。外道痴聚。欲令有無有生。非自妄想種種計著緣。（唐云。外道羣聚。共興惡見。言從有無生一切法。非自執著分別為緣）大慧。我非有無有生。是故我以無生說而說。（唐云。我說諸法非有無生。故名無生）大慧。說性者。為攝受生死故。壞無見斷見故。為我弟子攝受種種業受生處故。以聲性說攝受生死。（唐云。說諸法者。為令弟子。知依諸業攝受生死。遮其無有斷滅見故）大慧。說幻性自性相。為離性自性相故。（唐云。說諸法相猶如幻者。令離諸法自性相故）墮愚夫惡見相希望。不知自心現量。（唐云。為諸凡愚墮惡見欲。不知諸法唯心所現）壞因所作生緣自性相計著。說幻夢自性相一切法（唐云。為令遠離執著因緣生起之相。說一切法如幻如夢）不令愚夫惡見希望。計著自及他一切法如實處見。作不正論。（唐云。彼諸愚夫執著惡見。欺誑自他。不能明見一切諸法如實住處）大慧。如實處見一切法者。謂超自心現量。（唐云。見一切法如實處者。謂能了達唯心所現）爾時世尊。欲重宣此義而說偈言。無生作非性（唐云。無作故無生）有性（唐作法）攝生死。觀察（唐作了達）如幻等。於相不妄想（唐作分別）。


疏



△三兼明名句形身

復次大慧。當說名句形（魏作字。唐作文）身相。善觀名句形身菩薩摩訶薩。隨入義句形身。（唐云。諸菩薩善觀此相。了達其義）疾得阿耨多羅三藐三菩提。如是覺已。覺一切眾生。大慧。名身者。謂若依事立名。（唐云。謂依事立名。名即是身）是名名身。句身者。謂句有義身。自性決定究竟。（唐云。諸能顯義決定究竟）是名句身。形（字。文）身者。謂顯示名句。（唐云。謂由於此能成名句）是名形身。

疏



又形身者。謂長短高下。（唐先有云。句身者。謂句事究竟。名身者。謂諸字名各各差別。如從阿字乃至呵字。乃接此句。○魏譯亦有三句）又句身者。謂徑跡。（唐云。如足跡）如象馬人獸等所行徑跡。

（唐云。如衢巷中人畜等跡）得句身名。大慧。名及形者。謂以名說無色四陰。故說名。自相現。故說形。（唐云。名謂非色四蘊。以名說故。文謂名之自相。由文顯故）是名名句形身。說名句形身相分齊。應當修學。

疏

句事究竟。謂必詮事至於究竟。方成一句也
字名差別。謂如阿至呵等。但可詮差別事。即名為名也
長短高下。謂文字當體。有此對待假相也

徑跡者

如有徑路。則有人畜所行足跡
譬有名字。則有依名所顯句義也

無色四陰者。受想行識

但有名字
更無體相可表示也

名之自相由文顯者

由此受想行識等文字
方得顯現四陰等名也
同前共有三番解釋
並是唯心所現

依於音聲而有差

謂之不相應行

與彼音聲

不即不離
非別有性

（且約此土聲為教體。云與音聲不即不離
若他土中。以色香等為教體者。亦皆不即離也）

故云。於彼身相分齊。應當修學。不可妄計心外有法也

爾時世尊。欲重宣此義而說偈言。名身與句身。及形身差別。凡夫愚計著。如象溺深泥。

疏

聖智了達唯心

則色等六塵性境。尚非心外別有
況依色等假立名句文身。豈別有耶

凡愚計著

不達名句文身性空

譬如象溺深泥。何能出哉

此甚警人不可計著也

△四兼明四種記論

復次大慧。未來世智者。以離一異俱不俱見相。我所通義。問無智者。彼即答言。此非正問（魏云。未來世中無智慧者。以邪見心。不知如實法故。因世間論。自言智者。有智者問如實之法。離邪見相一異俱不俱。而彼愚人作如是言。是問非是。非正念問。○唐云。未來世中。有諸邪智惡思覺者。離如實法。以見一異俱不俱相問諸智者。彼即答言。此非正問）。

疏

此段文意。須將三譯參合。方有著落

大凡有智慧人

若見邪智妄問

一異俱不俱相

即應答云

此非正問

而彼邪智惡覺之人

若見智者問

以離一異俱不俱相

佛所通達第一義諦

彼亦妄答

以為非正問也

——「三兼明名句形身」竟——

謂色等常無常為異不異。(魏云。為一為異)如是涅槃諸行。(魏云。如是涅槃有為諸行。為一為異)相所相。(魏云。相中所有能見所見為一為異)求那所求那。(唐云。依所依)造所造。(魏云。作者所作。為一為異)見所見。(魏云。能見可見。為一為異)塵及微塵。(唐云。地與微塵。○魏云。四大中色香味觸。為一為異。泥團微塵。為一為異)修與修者。(唐云。智與智者。○魏云。知者所知。為一為異)如是比展轉相。如是等問(唐云。如是等不計事次第而問。)

疏

此廣述無智者之邪問也

而言佛說無記止論。非彼癡人之所能知。(唐云。世尊說此當止記答。愚夫無智。非所能知)謂聞慧不具故。如來應供等正覺。令彼離恐怖句故。說言無記。不為記說。(唐云。佛欲令其離驚怖處。不為記說)又止外道見論故。而不為說。(唐云。不記說者。欲令外道永得出離作者見故)大慧。外道作如是說。謂命即是身。如是等無記論。(唐云。諸外道眾。計有作者。作如是說。命即是身。命異身異。如是等說。名無記論)大慧。彼諸外道。愚痴於因。作無記論。非我所說。(魏云。外道迷於因果義故。是故無記。非我法中名無記也)大慧。我所說者。離攝所攝。妄想不生。云何止彼。(魏云。我佛法中。離能見可見虛妄之相。無分別心。是故我法中無有置答。○唐云。我教中說離能所取。不起分別。云何可止)大慧。若攝所攝計著者。不知自心現量故止彼(魏云。諸外道等。執著可取能取。不知但是自心見法。為彼人故。我說言有四種問法。無記置答。非我法中。○唐云。若有執著能取所取。不了唯是自心所現。彼應可止。)

疏

無有實義。是無記論

外道邪問

應置不答。故須以不答止之

此明



大慧。如來應供等正覺。以四種記論。為眾生說法。大慧。止記論者。我時時說。(魏云。為待時故。說如是法。○唐云。我別時說)為根未熟。不為熟者(魏同。○唐云。以根未熟。且止說故。)

疏

此因前所明止論

而明佛之說法總有四種。不可執一也

言四種者

後偈自出其相

今止記論

但是四種之一

不過為根未熟者耳


復次大慧。一切法離所作因緣不生。無作者故。一切法不生。(唐云。何故一切法不生。以離能作所作。無作者故)大慧。何故一切性離自性。以自覺觀時。自共性相不可得故。說一切法不生。(唐云。何故一切法無自性。以證智觀。自相共相不可得故)何故一切法不可持來。不可持去。以自共相。欲持來無所來。欲持去無所去。是故一切法離持來去。(唐云。何故一切法無來去。以自共相。來無所從。去無所至故)大慧。何故一切諸法不滅。謂性自性相無故。一切法不可得故。一切法不滅。(唐云。謂一切法無性相故。不可得故)大慧。何故一切法無常。謂相起無常性。是故說一切法無常。(唐云。謂諸相起無常性故)大慧。何故一切法常。謂相起無生性無常常。故說一切法常(唐云。謂諸相起即是不起。無所有故。無常性常。是故我說一切法常。)


疏

此明為根熟者分別答也。文並可知。

爾時世尊。欲重宣此義而說偈言。記論有四種。一向（魏云。直答）反詰問。（魏云。質答）分別及止論。（二作置答）以制諸外道。有及非有生。僧佉毘舍師。（唐云。數論與勝論。言有非有生）一切悉無記。彼如是顯示。（唐云。如是等諸說。一切皆無記）正覺所分別。自性不可得。（唐云。以智視察時。體性不可得）以離於言說。故說離自性。

疏






△初請問


爾時大慧菩薩摩訶薩復白佛言。世尊。惟願為說諸須陀洹。須陀洹趣差別通相。(二譯皆云行差別相)若菩薩摩訶薩。善解須陀洹趣差別通相。及斯陀含。阿那含。阿羅漢方便相。分別知己。如是如是為眾生說法。謂二無我相。及二障淨。(唐云。令其證得二無我法。淨除二障)度諸地相。究竟通達。(魏云。次第進取地地勝相。○唐云。諸地相漸次通達)得諸如來不思議究竟境界。如眾色摩尼。善能饒益一切眾生。以一切法境界無盡身財。攝養一切。

疏




△二許宣

佛告大慧。諦聽諦聽。善思念之。今為汝說。大慧白佛言。善哉世尊。唯然聽受。




△初明須陀洹
 佛告大慧。有三種須陀洹。須陀洹果差別。云何為三。謂下中上。下者。極七有生。(唐云。於諸有中極七反生)中者。三五有生而般涅槃。上者。即彼生(唐云此生)而般涅槃。此三種。有三結下中上。(唐云。此三種人。斷三種結)云何三結。謂身見。疑。戒取。是三結差別。上上昇進。得阿羅漢。

疏




上須陀洹。斷三結已。深厭三界。起大加行。即於此生。斷盡九地八十一品思惑。故得入涅槃也。




大慧。身見有二種。謂俱生。及妄想。(二云分別)如緣起妄想。自性妄想。(唐云。如依緣起有妄計性。)譬如依緣起自性。種種妄想自性計著生。以彼非有非無非有無。無實妄想相故。愚夫妄想種種妄想自性相計著。(唐云。彼法但是妄分別相。非有非無。非亦有亦無。凡夫愚癡而橫計著。)如熱時燄。鹿渴水想。是須陀洹妄想身見。彼以人無我攝受無性。斷除久遠無知計著。(唐云。此分別身見。無智慧故。久遠相應相。見人無我。即時捨離)大慧。俱生者。須陀洹身見。自他身等四陰。無色相故。色生造及所造故。展轉相因相故。大種及色不集故。須陀洹觀有無品不現。身見則斷。(唐云。俱生身見。以普觀察自他之身。受等四蘊無色相故。色由大種而得生故。是諸大種互相因故。色不集故。如是觀已。明見有無。即時捨離。)如是身見斷。貪則不生。是明身見相。


疏

此明二種身見不同。斷身見之觀亦不同也






疏




大慧。戒取者。云何須陀洹不取戒。謂善見受生處苦相故。是故不取。大慧。取者。謂愚夫決定受習苦行。為眾具樂。故求受生。彼則不取。(唐云。凡愚於諸有中。貪著世樂。苦行持戒。願生於彼。須陀洹人。不取是相)除回向自覺勝離妄想無漏法相行方便。受持戒支。(唐云。唯求所證最勝無漏無分別法。修行戒品)是名須陀洹取戒相斷。

疏



須陀洹斷三結。貪癡不生。(唐云。捨三結故。離貪瞋癡)若須陀洹作是念。此諸結。我不成就者。應有二過。墮身見。及諸結不斷。(魏云。若須陀洹生如是心。此是三結。我離三結者。是名見二法。隨於身見。彼若如是。不離三結。)

疏



三結本是虛妄之法。如
 幼小者於閻室中
 怖稱有鬼
 鬼非有也

若云
 此是三結
 我離三結
 則
 無結而妄計有結
 無我而妄計有我

譬如幼小云此是閻室中鬼
 我不怖鬼
 豈能真不怖哉
 故
 墮身見
 及諸結不斷
 二過也

大慧白佛言。世尊。世尊說眾多貪欲。彼何者貪斷。(唐云。貪有多種。捨何等貪)佛告大慧。愛樂女人。纏綿貪著。種種方便身口惡業。受現在樂。種未來苦。彼則不生。(魏云。遠離與諸女人和合。不為現在樂。種未來苦因。○唐云。捨於女色纏綿貪欲。見此現樂。生來苦故)所以者何。得三昧正受樂故。是故彼斷。非趣涅槃貪斷(唐云。又得三昧殊勝樂故。是故捨彼。非涅槃貪。○魏云。須陀洹遠離如是等貪。非離涅槃貪。)

疏

初果未盡欲界思惑


但已明信世間因果
 又得無漏三昧正受
 故
 於女人欲愛。能捨能遠離也
 而貪求涅槃之心。正未可捨

△二明斯陀含

大慧。云何斯陀含相。謂頓照色相。(魏云。謂一往見色相現前生心)妄想生相見相不生。(魏云。非虛妄分別想見)善見禪趣相故。(魏云。以善見禪修行相故)頓來此世。(魏云。一往來世間)盡苦際。得涅槃。(魏云。便斷苦盡。入於涅槃)是故名斯陀含(唐云。謂不了色相。起色分別。一往來已。善修禪行。盡苦邊際而般涅槃。是名斯陀含)。

疏

二果猶有欲界下三品惑



△三明阿那含

大慧。云何阿那含。謂過去未來現在色相性非性生見過患使妄想不生故。(唐云。謂於過去未來現在色相起有無見分別。過惡隨眠不起)及結斷故。(唐云。永捨諸結。更不還來)名阿那含。

疏

妄想不生。牒前斷分別惑

斷結


正明斷欲殘思

進斷上二界思惑也

△四明阿羅漢

大慧。阿羅漢者。謂諸禪三昧。解脫力明。(唐云。悉已成就)煩惱苦妄想非性故。(唐云。煩惱諸苦分別永盡)名阿羅漢。大慧白佛言。世尊。世尊說三種阿羅漢。此說何等阿羅漢。世尊。為得寂靜一乘道。(魏云。決定寂滅。唐云。一向趣寂)為菩薩摩訶薩方便示現阿羅漢。為佛化化。佛告大慧。得寂靜一乘道聲聞。非餘。餘者行菩薩行。及佛化化。巧方便本願故。於大眾中示現受生。為莊嚴佛眷屬故。

疏



△二結屬唯心

大慧。於妄想處。種種說法。(唐云。於虛妄處。說種種法)謂得果得禪。禪者入禪。悉遠離故。(唐云。所謂證果。禪者及禪。皆性離故)示現得自心現量得果相。說名得果。(唐云。自心所見得果相故)復次大慧。欲超禪無量無色界者。當離自心現量相。(唐云。應離自心所見諸相)大慧。受想正受。超自

——「初正明行相」竟——

心現量者不然。何以故。有心量故。(唐云。想受滅三昧。超自心所見境者不然。不離心故。)爾時世尊。欲重宣此義而說偈言。諸禪四無量。無色三摩提。一切受想滅。心量彼無有。(唐云。唯心不可得)須陀槃那果。往來及不還。及與阿羅漢。斯等心惑亂。(唐云。悉依心妄有)禪者禪及緣。(唐作所緣)斷知(唐作斷惑)見真諦。此則妄想量。若覺得解脫(唐云。了知即解脫。)

疏

世間十二門禪

出世滅盡三昧及與四果

皆是唯心。心外無法

菩薩了之。故能

無所取著。隨順羣機

或施或廢。皆得自在也

——第十四四果差別相門——竟——

○第十五二種覺門三

初正辨二覺

二明善覺四大

三明善覺五陰

初中三

初總標

二別釋

三結益

△初總標

復次大慧。有二種覺。(二皆作智)謂觀察覺。及妄想相攝受計著建立覺(魏云。虛妄分別取相住智。○唐云。取相分別執著建立智。)

○二別釋二


初釋觀察

二釋計著建立

△初釋觀察

大慧。觀察覺者。謂若覺性自性相。選擇離四句不可得。（魏云。觀察一切諸法體相。離於四句。無法可得。○唐云。謂觀一切法。離四句不可得）是名觀察覺。大慧。彼四句者。謂離一異俱不俱有無非有非無常無常。是名四句。大慧。此四句離。是名一切法。大慧。此四句觀察一切法。應當修學（唐云。我以諸法離此四句。是故說言一切法離。如是觀法。汝應修學。）


疏



△二釋計著建立

大慧。云何妄想相攝受計著建立覺。謂妄想相攝受。計著堅濕煖動不實妄想相四大種。（魏云。所謂執著堅熱濕動。虛妄分別。四大相故。○唐云。謂於堅濕煖動諸大種性。取相執著。虛妄分別）宗因相譬喻計著。不實建立而建立。（魏云。執著建立因譬喻相故。建立非實法以為實。○唐云。以宗因喻而妄建立）是名妄想相攝受計著建立覺。

疏




而諸凡愚
 妄以宗因喻成立四大為實有性
 謂地實有堅性。水實有濕性等
 豈非
 妄想
 計著
 於不實法而建立耶

——「二別釋」竟——

△三結益

是名二種覺相。若菩薩摩訶薩。成就此二覺相。人法無我相究竟善知。方便無所有覺。觀察行地。得初地。(唐云。菩薩知此智相。即能通達人法無我。以無相智。於解行地。善巧觀察。入於初地)入百三昧。得差別三昧。(唐云。以勝三昧力)見百佛及百菩薩。知前後際各百劫事。光照百剎土。知上上地相。大願殊勝神力自在。法雲灌頂。當得如來自覺地。善繫心十無盡句。成熟眾生。種種變化。光明莊嚴。得自覺聖樂。三昧正受(唐云。十無盡願。成就眾生。種種應現。無有休息。而恆安住自覺境界三昧聖樂。)

疏



——「初正辨二覺」竟——


△二明善覺四大

復次大慧。菩薩摩訶薩。當善四大造色。(魏云。應善知四大及四塵相。○唐云。當善了知大種造色)云何菩薩善四大造色。大慧。菩薩摩訶薩作是覺。(唐云。應如是觀)彼真諦者。四大不生。(唐云。彼諸大種。真實不生)於彼四大不生。作如是觀察。觀察已。覺名相妄想分齊。自心現分齊。外性非性。是名心現妄想分齊。謂三界。(唐云。以諸三界。但是分別。唯心所見。無有外物)觀彼四大造色性。

疏

離四句通淨。離我所。如實相自相分段住。無生自相成。(唐云。如是觀時。大種所造。悉皆性離。超過四句。無我我所。住如實處。成無生相)大慧。彼四大種。云何生造色。謂津潤妄想大種。(唐云。虛妄分別津潤大種)生(唐作成。四並同)內外水界。堪能妄想大種。(唐云。炎盛大種)生內外火界。飄動妄想大種。生內外風界。斷截色妄想大種。(唐云。色分段大種)生內外地界。色及虛空俱。(魏云。妄想分別內外共。虛空生內外相。○唐云。離於虛空)計著邪諦五陰集聚。四大造色生(魏云。以執著虛妄內外邪見。五陰聚落四大及四塵生故。○唐云。由執著邪諦。五陰聚集。大種造色生。)

此正明
心外實無四大
四大皆唯心也



然四大既如空花無體
何有堅濕煖動之相歷然不同
當知堅濕煖動
祇是妄想分別所成
離妄想外。無別種也

是故
津潤妄想。即水大種。由此故生內外水界
堪能妄想。即火大種。由此故生內外火界
飄動妄想。即風大種。由此故生內外風界
分段妄想。即地大種。由此故生內外地界
既此四大。唯以妄想為種
則與虛空。同是無性之法
本非有異
而妄想分別
謂離色有空。離空有色
遂謂色及虛空俱是心外有法
由是計著邪諦
妄謂五陰集聚。乃從四大造色所生
不知四大造色。皆由妄想生也


大慧。識者。因樂種種跡境界故。餘趣相續。(唐云。識者。以執著種種言說境界為因起故。於餘趣中相續受生。)


疏

五陰之中
識為其主
故云萬法唯識
而此識者
五識則樂現在五塵境界
意識則徧樂三世假實境界
第七則樂虛妄我執
第八則受前七識熏。執持彼種。令不失壞。故於餘趣恆相續也

大慧。地等四大及造色等。有四大緣。非彼四大緣。（唐云。地等造色。有大種因。非四大種為大種因）所以者何。謂性形相處所作方便無性。大種不生。大慧。性形相處所作方便和合生。非無形。（唐云。何以故。謂若有法有形相者。則是所作。非無形者）是故四大造色相。外道妄想。非我（唐云。此大種造色相。外道分別。非是我說。）

疏








△三明善覺五陰

復次大慧。當說諸陰自性相。（二皆作體相）云何諸陰自性相。謂五陰。云何五。謂色受想行識。彼四陰非色。（魏云。四陰無色相）謂受想行識。大慧。色者。四大及造色。各各異相。大慧。非無色有四數。如虛空。（魏云。無色相法。同如虛空。云何得成四種數相。○唐云。非色諸蘊。猶如虛空。無有四數）譬如虛空。過數相。離於數。而妄想言一虛空。大慧。如是陰過數相。離於數。離性非性。離四句。數相者。愚夫言說。非聖賢也。大慧。聖者如幻種種色像。離異不異施設。又如夢影士夫身。離異不異故。（唐云。諸聖但說如幻所作。唯假施設。離異不異。如夢如像。無別所有）大慧。聖智趣同陰妄想現。（魏云。如聖人智修行分別。見五陰虛妄。○唐云。不了聖智所行境故。見有諸蘊分別現前）是名諸陰自性相。汝當除滅。（唐云。如是分別。汝應捨離）滅已說寂靜法。斷一切佛剎諸外道見。大慧。說寂靜時。法無我見淨。及入不動地。（二皆云入遠行地）入不動地已。無量三昧自在。及得意生身。得如幻三昧。通達究竟。力明自在。救攝饒益一切眾生。猶如大地。載育眾生。菩薩摩訶薩普濟眾生。亦復如是。

疏









△初正明外道妄計

復次大慧。諸外道有四種涅槃。云何為四。謂性自性非性涅槃。(魏云。自體相涅槃。○唐云。諸法自性無性涅槃)種種相性非性涅槃。(魏云。種種相有無涅槃)自相自性非性覺涅槃。(魏云。自覺體有無涅槃。○唐云。覺自相性無性涅槃)諸陰自共相相續流注斷涅槃。(魏云。諸陰自相同相斷相續體涅槃。○唐云。斷諸蘊自共相流注涅槃)是名諸外道四種涅槃。非我所說法。

疏





△初長文

大慧。我所說者。妄想識滅。(魏云。見虛妄境界分別識滅。○唐云。分別爾炎識滅)名為涅槃。大慧白佛言。世尊不建立八識耶。佛言。建立。大慧白佛言。若建立者。云何離意識。非七識。(魏云。何故但言意識轉滅。不言七識轉滅)佛告大慧。彼因及彼攀緣故。七識不生。(魏云。以依彼念觀有故。轉識滅。七識亦滅。○唐云。以彼為因及所緣故。七識得生)意識者。境界分段計著。生習氣。長養藏識。(唐云。意識分別境界。起執著時。生諸習氣。長養藏識)意俱我我所計著。思惟因緣生。(唐云。由是意俱我我所執思量隨轉)不壞身相。(魏云。彼二種識無差別相。○唐云。無別體相)藏識因攀緣。(唐云。藏識為因。為所緣故)自心現境界計著心聚生。展轉相因。(唐云。執著自心所現境界。心聚生起。展轉為因)譬如海浪。自心現境界風吹。若生若滅。亦如是。(唐云。而有起滅)是故意識滅。七識亦滅。

疏

此明欲證涅槃。須滅第六識相應之妄想也

蓋識雖有八

而生死涅槃

以彼因及所緣故。餘七識生

全由第六識轉

若彼因及所緣不生。則餘七亦不生也

(宋唐各皆影略

參觀魏譯可曉)

先明現行熏種子義

故云

意識者

境界分段計著

生諸習氣

牽引前五識現行

長養藏識

意顯

若無前六識為能熏。則藏識便無由長養也

由有藏識。故第七意俱我我所計著。思惟因緣生

(此言我所

但是語勢。或我之我。名為我所

以第七識。但我執。無我所執

故也。具如唯識中辨)

而此七識

俗故相有別。故宋云不壞身相

與第八識

真故相無別。故

魏云無差別相

唐云無別體相


亦互相影略也

由俗諦不壞身相言之。故第七識

以藏識為因

即以藏識為所攀緣


唯識所謂依依轉緣彼也




△二偈頌

爾時世尊。欲重宣此義而說偈言。我不涅槃性。所作及與相。（魏云。我不取涅槃。亦不捨作相。○唐云。我不以自性。及以於作相）妄想爾滅識。此滅我涅槃。（魏云。轉滅虛妄心。故言得涅槃。○唐云。分別境識滅。如是說涅槃）彼因彼攀緣。意趣等成身。（唐云。意識為心因。心為意識界）與因者是心。為識之所依。（唐云。因及所緣故。諸識依止生。）如水大流盡。波浪則不起。如是意識滅。種種識不生。

疏






△初顯益標名

復次大慧。今當說妄想自性分別通相。(魏云。虛妄分別法體差別之相。○唐云。妄計自性差別相)若妄想自性分別通相善分別。汝及餘菩薩摩訶薩。離妄想。到自覺聖。外道通趣善見。覺攝所攝妄想斷。(唐云。超諸妄想。證聖智境。知外道法。遠離能取所取分別)緣起種種相。妄想自性行不復妄想。(唐云。於依他起種種相中。不更取著妄所計相。)大慧。云何妄想自性分別通相。謂言說妄想。(二並作分別)所說事妄想。(魏云。可知分別)相妄想。利妄想。(魏云。義分別。○唐云。財分別)自性妄想。(魏云。自體分別)因妄想。見妄想。成妄想。(魏云。建立分別。○唐云。理分別)生妄想。不生妄想。相續妄想。(魏云。和合分別。○唐云。相屬分別)縛不縛妄想。(唐云。縛解分別)是名妄想自性分別通相。

疏



△二依名釋相

大慧。云何言說妄想。謂種種妙音歌詠之聲。美樂計著。（唐云。謂執著種種美妙音詞）是名言說妄想。大慧。云何所說事妄想。謂有所說事自性。聖智所知。依彼而生言說妄想。（唐云。謂執有所說事。是聖智所說境。依此起說）是名所說事妄想。大慧。云何相妄想。謂即（於）彼所說事（中）。如鹿渴想。種種計著而計著。謂堅濕煖動相。一切性妄想。是名相妄想。大慧。云何利妄想。謂樂種種金銀珍寶。是名利妄想。大慧。云何自性妄想。謂自性特此。如是不異惡見妄想。（唐云。謂以惡見如是分別。此自性決定非餘）是名自性妄想。大慧。云何因妄想。謂若因若緣有無分別因相生。（唐云。謂於因緣分別有無。以此因相而能生故）是名因妄想。大慧。云何見妄想。謂有無一異俱不俱惡見。外道妄想計著妄想。（唐云。謂諸外道。惡見執著有無一異俱不俱等）是名見妄想。大慧。云何成妄想。謂我我所想成決定論。是名成妄想。大慧。云何生妄想。謂緣有無性生計著。（唐云。謂計諸法若有若無。從緣而生。）是名生妄想。大慧。云何不生妄想。謂一切性本無生。無種因緣生無因身。（唐云。謂計一切法本來不生。未有諸緣而先有體。不從因起）是名不生妄想。大慧。云何相續妄想。謂彼俱相續如金縷。（唐云。謂此與彼遞相繫屬。如針與線。）是名相續妄想。大慧。云何縛不縛妄想。謂縛不縛因緣計著。如士大夫方便若縛若解。（唐云。謂執因能縛而有所縛。如人以繩方便力故。縛已復解）是名縛不縛妄想。

疏

此釋十二種妄想差別之相

皆由不了唯心

故起種種徧計分別也

- 一言說妄想者。計著能詮有實性也
- 二所說事妄想者。計著所詮有實性也
- 三相妄想者。計著四大等有堅等實性也
- 四利妄想者。計著金銀等有實性也
- 五自性妄想者。計著諸法各有自性。不達無性也
- 六因妄想者。計著邪因緣無因緣能生一切法也

七見妄想者。計著種種四句也
 八成妄想者。計著我我所。虛妄建立邪諦理也
 九生妄想者。計著諸法從邪因緣無因緣生也
 十不生妄想者。計著諸法皆本來有。不從因種生起。但從緣顯也
 十一相續妄想者。妄計諸法互相繫屬。譬如金針引縷線也

十二縛不縛妄想者。妄計諸法皆有
 能縛所縛 譬如世人 以繩縛物。名之為縛
 能解所解 還復解之。名之為解 也 豈知緣生如幻
 實無此等差別自性哉

△三誠莫計著


於此妄想自性分別通相。一切愚夫計著有無(唐云。此是妄計性差別相。一切凡愚。於中執著若有若無)。

疏

執著有此十二差別相者。固是凡愚
 以 不達唯心諸法
 執著無此十二差別相者。亦是凡愚
 本離有無故也

大慧。計著緣起而計著者。種種妄想計著自性。如幻示現種種之身。凡夫妄想。見種種異幻。(唐云。於緣起中。執著種種妄計自性。如依於幻。見種種物。凡愚分別。見異於幻)大慧。幻與種種。非異非不異。若異者。(應)幻非種種因。若不異者。幻與種種(應)無差別。而見差別。是故非異非不異。是故大慧。汝及餘菩薩摩訶薩。如幻緣起妄想自性異不異有無。莫計著。(唐云。於幻有無。不應生著)。

疏





——「初長文」竟——


△二偈頌

爾時世尊。欲重宣此義而說偈言。心縛於境界。覺想智隨轉。無所有及勝。(唐云。無相最勝處)平等智慧生。妄想自性有。(唐云。在妄計是有)於緣起則無。妄想或攝受。緣起非妄想。(唐云。妄計迷惑取。緣起離分別)種種支分生。如幻則不成。(唐云。如幻不成就)彼相有種種。妄想則不成。(唐云。雖現種種相。妄分別則無)彼相則是過。皆從心縛生。妄想無所知。於緣起妄想。(唐云。妄計者不了。分別緣起法)此諸妄想性。即是彼緣起。妄想有種種。於緣起妄想。(唐云。緣起中分別)世諦第一義。第三無因生。妄想說世諦。斷則聖境界。

疏







疏

此二譬喻

喻迷緣起而為妄想也

譬如修行事。(唐云。如修觀行者)於一種種現。於彼無種種。妄想相如是。譬如種種腎。妄想眾色現。(唐云。妄想見眾色)腎無色非色。緣起不覺然(唐云。不了緣起然。)

疏

譬如鍊真金。遠離諸垢穢。虛空無雲腎。妄想淨亦然。

此二譬喻

喻斷妄想。即緣起處證圓成實也

無有妄想性。及有彼緣起。建立及誹謗。悉由妄想壞。(魏云。無有妄想法。因緣法亦無。取有及謗無。分別觀者見。○唐云。無有妄計性。而有於緣起。建立及誹謗。斯由分別境)妄想若無性。而有緣起性。無性而有性。有性無性生(唐云。若無妄計性。而有緣起者。無法而有法。有法從無生。)

疏

前一偈

明依緣起

方有妄想

故妄想雖無性

而緣起是幻有

若計妄想有性。則是建立

若計緣起全無。則是誹謗

計有

計無

皆妄想所壞也

後一偈

明由妄想

方成緣起

故緣起非實有

而妄想非定無

若計妄想定無。如何能成緣起之有

若計緣起實有。如何乃從無性之妄想生耶

故知

妄想本空。亦離四句

緣起如幻。亦離四句矣


疏

依因於妄想。而得彼緣起。相名常相隨。而生諸妄想。

此明


能徧計者。則是妄想

所徧計者。則是緣起




究竟不成就。則度諸妄想。然後智清淨。是名第一義。

疏




妄想有十二。緣起有六種。自覺知爾。魏云。內身證境界。○唐云。自證真如境。彼無有差別。五法為真實。自性有三種。魏云。及三種亦爾。○唐云。三自性亦爾。修行分別此。唐云。修行者觀此。不越於如如。

疏




眾相及緣起。彼名起妄想。彼諸妄想相。從彼緣起生。(唐云。依於緣起相。妄計種種名。彼諸妄計相。皆因緣起有)覺慧善觀察。無緣無妄想。成已無有性。云何妄想覺。(唐云。真實中無物。云何起分別。○此下魏更有云。若真實有法。遠離於有無。若離於有無。云何有二法。○唐更有云。圓成若是有。此則離有無。既以離有無。云何有二性)彼妄想自性。建立二自性。(唐云。妄計有二性。二性是安立)妄想種種現。清淨聖境界(唐云。分別見種種。清淨聖所行。)



妄想如畫色。緣起計妄想。（魏云。見妄想種種。因緣中分別。○唐云。妄計種種相。緣起中分別）若異妄想者。則依外道論。（唐云。若異此分別。則墮外道論）妄想說所想。因見和合生。（唐云。以諸妄見故。妄計於妄計）離二妄想者。如是則為成（唐云。離此二計者。則為真實法。）

疏



○第十七自覺聖智一乘門三

- 初請問
- 二許宣
- 三正說

△初請問

大慧菩薩摩訶薩復白佛言。世尊。惟願為說自覺聖智相及一乘。(唐云。自證聖智行相。及一乘行相)若自覺聖智相及一乘。我及餘菩薩。善自覺聖智相及一乘。不由於他。通達佛法(唐云。我及諸菩薩得此善巧。於佛法中。不由他悟。)

△二許宣

佛告大慧。諦聽諦聽。善思念之。當為汝說。大慧白佛言。唯然受教。

○三正說二

- 初說自覺聖智
- 二說一乘

△初說自覺聖智

佛告大慧。前聖所知。轉相傳受。妄想無性。(唐云。依諸聖教。無有分別)菩薩摩訶薩。獨一靜處。自覺觀察。(唐云。觀察自覺)不由於他。離見妄想。上上昇進。入如來地。是名自覺聖智相。


疏

此正唯心直進圓頓妙修也

妄想者。所觀境也

無性者。境之諦也

空故無性	假故無性	中故無性
}		
三一	一一	三
}		
不可思議		
}		
故無性也		




○二說一乘二

初正釋
二釋疑

△初正釋

大慧。云何一乘相。謂得一乘道覺。我說一乘。云何得一乘道覺。謂攝所攝妄想如實處。不生妄想。是名一乘覺。(唐云。云何名為知一乘道。謂離能取所取分別。如實而住)大慧。一乘覺者。非餘外道聲聞緣覺梵天王等之所能得。唯除如來。以是故說名一乘。

疏




○二釋疑二



△初問


大慧白佛言。世尊。何故說三乘而不說一乘。

○二答二



△初明隱實施權


佛告大慧。不自般涅槃法故。(唐云。聲聞緣覺無自般涅槃法故)不說一切聲聞緣覺一乘。以一切聲聞緣覺。如來調伏。授寂靜方便而得解脫。非自己力。是故不說一乘。復次大慧。煩惱障(二云智障)業習氣不斷故。不說一切聲聞緣覺一乘。不覺法無我。不離分段死。(魏云。未得不可思議變易生。○唐云。未名不思議變易死)故說三乘。



△二明從權入實

大慧。彼諸一切起煩惱過習氣斷。及覺法無我。彼一切起煩惱過習氣斷。三昧樂味著非性。無漏界覺。
 (唐云。若彼能除一切過習。覺法無我。是時乃離三昧所醉。於無漏界而得覺悟)覺已。復入出世間上
 上無漏界。滿足眾具。(唐云。修諸功德。普使滿足)當得如來不思議自在法身。

疏



△二偈頌
爾時世尊。欲重宣此義而說偈言。諸天及梵乘。聲聞緣覺乘。諸佛如來乘。我說此諸乘（唐云。諸乘我所說。）

疏

此頌為實所施權也

天乘者。十善法也

梵乘者

四禪
四無量心
四無色定
也

聲聞乘者。生滅四諦法也

緣覺乘者

生滅
無生
十二因緣法也

諸佛乘者

事六度
理六度
乃至次第三觀等諸法也

疏

乃至有心轉。（唐作起）諸乘非究竟。若彼心滅盡。無乘及乘者。無有乘建立。（魏云。差別）我說為一乘。

此頌破權歸實也

分別永盡

知一切法
即心自性

如如之理。不在智外。故無乘
如如之智。不在理外。故無乘者

十界
百界
千如

皆是實相

故無有差別建立。此乃絕待無外之一乘也

引導眾生故。分別說諸乘。(唐云。為攝愚夫故。說諸乘差別)解脫有三種。及與法無我。煩惱智慧等。解脫則遠離(唐云。解脫有三種。謂離諸煩惱。及以法無我。平等智解脫。)

疏

此頌方便說三之意也

故

若不分別說三
何以攝引愚夫

先明權教三解脫門。令離煩惱
又明法無我平等不思議解脫門。令淨所知也

譬如海浮木。常隨波浪轉。聲聞愚亦然。相風所飄動。彼起煩惱滅。餘習煩惱愚。味著三昧樂。(唐云。三昧酒初醉)安住無漏界。無有究竟趣。(唐云。彼非究竟趣)亦復不退還。得諸三昧身。乃至劫不覺。譬如昏醉人。酒消然後覺。彼覺法亦然。得佛無上身(唐云。聲聞亦如是。覺後當成佛。)

疏

此正頌從權入實也

——「第十七自覺聖智一乘門」竟——
《楞伽阿跋多羅寶經》卷第二義疏下